

Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
 fax: + 387 33 552 810
 selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
 fax: + 387 33 552 810
 dzenita@sogfbih.ba

Sadržaj biltena:

Održana vanredna sjednica Predsjedništva Saveza o reformi Ustava	1
Ujedinjavanje općina	2
Savez nastavlja sa realizacijom ciljeva iz Strategije obuke za JLS	2
Održana prva Javna rasprava o Zakonu o finansiranju JLS	3
U Vitezu i Olovu održani okrugli stolovi na temu 'Iskustva i poteškoće JLS u vezi sa raspodjelom budžetskih sredstava OCD'	3
Potpisam MoR između UNDP-a i partnerskih lokalnih uprava	4
Saudijski fond za razvoj spreman dati najpovoljniji kredit za infrastrukturne projekte Općine Goražde	5
Za prečišćavanje otpadnih voda više od 20 mil. KM	6
Općine Hadžići i Nova Varoš ulaze u projekat vrijedan 250.000 eura	6
Direktor TIKE posjetio Općinu B.Petrovac	7
NAJAVA održavanja Javnih rasprava o novoizrađenim zakonskim rješenjima bitnim za funkcionisanje JLS	7
Ministarstvo spoljne trgovine BiH poziva općine i gradove na učešće u projektu održivog upravljanja energijom	10
NEXPO 2013 — Međunarodni sajam općina	11

Bilten Saveza općina i gradova Federacije Bosne i Hercegovine

ODRŽANA VANREDNA SJEDNICA PREDSEDNIŠTVA SKUPŠTINE SAVEZA OPĆINA I GRADOVA FBiH O REFORMI USTAVA

SARAJEVO, 29. maj/svibanj – U Općini Novi Grad Sarajevu danas je održana vanredna, tematska sjednica Predsjedništva Skupštine Saveza općina i gradova Federacije BiH o temi preporuke za izmjenu Ustava FBiH.

Sjednica je koncipirana kao javna rasprava na kojoj su načelnici – članovi Predsjedništva Saveza dali svoje mišljenje o ponuđenim rješenjima za promjene Ustava FBiH, odnosno implikacijama koje može imati po jedinice lokalne samouprave.

Pored članova Predsjedništva i drugih načelnika općina iz Federacije BiH, sjednici su prisustvovali i članovi Ekspertne grupe - gospodin Vehid Šehić i gospodin Krešimir Zubak.

Kako je istaknuto na početku sjednice, načelnici općina generalno opravdavaju pokretanje ustavne reforme FBiH, te smatraju da se njima stvaraju pretpostavke za kreiranje racionalnije i funkcionalnije organizacije unutar FBiH.

Posebno je istaknuta podrška preporuci da se umjesto poglavlja VI-IX u Ustavu uspostavi poglavlje pod naslovom "Lokalna samouprava".

Kako je istaknuto, na ovaj način ispravlja se trenutno nepostojanje jasne razgraničenosti između nadležnosti kantona i jedinice lokalne samouprave, odnosno smanjivanja dvojnih nadležnosti.

Također, jasnije se definišu nadležnosti jedinice lokalne samouprave (načelnika i općinskih vijeća), što je u skladu i sa principima Evropske povelje o lokalnoj samoupravi.

Predsjedavajući Predsjedništva Skupštine Saveza općina i gradova FBiH Husejin Smajlović istakao je da je lokalna samouprava jedno od izuzetno važnih pitanja i temelj demokratije i demokratskog ustroja svake države, te stoga mora biti ustavno pitanje i imati mjesto u budućem Ustavu FBiH.

Mnoge stvari u Ustavu, kazao je on, nisu usklađene sa Evropskom poveljom o lokalnoj samoupravi, posebno u slučaju ovlaštenja koje imaju općine u odnosu na veće razine vlasti, i to bi trebalo riješiti.

Nakon iscrpne rasprave doneseni su sljedeći zaključci vezani za Preporuke za reformu Ustava FBiH:

1. Savez općina i gradova Federacije BiH podržava pokrenutu inicijativu za reformu Ustava Federacije BiH i cijeni aktivnosti i napore koje je učinila Ekspertna grupa.
2. Savez općina i gradova Federacije BiH smatra da ponuđeni materijal ne predstavlja suštinsku reformu Ustava Federacije BiH, nego predlaže promjene koje će otkočiti procese, poboljšati protočnost s ciljem efikasnije i ekonomičnije administracije.



3. Savez općina i gradova FBiH smatra da je neophodno pokušati pronaći druge institucionalne instrumente za ravnomjeran nacionalni, ekonomski i društveni razvoj, tj. efikasnije i bolje instrumente zaštite vitalnog nacionalnog interesa i ravnomjernijeg ekonomskog razvoja.
4. Savez općina i gradova FBiH je zadovoljan ugradnjom u Ustav Federacije BiH poglavlja o „Lokalnoj samoupravi“ i smatra da je obavezno u cijelosti primijeniti Evropsku povelju o lokalnoj samoupravi.

UJEDINJAVANJE OPĆINA

(Tekst preuzet sa web stranice TV "Hayat" od 29. maja/svibnja 2013.)

Predložena ustavna reforma Federacije ne bi riješila stvarne probleme općina i gradova. Kozmetičke promjene mnogo su manje od očekivanog i još manje od neophodnog.

Husejin Smajlović, predsjednik Predsjedništva Skupštine Saveza općina i gradova FBiH kaže: "Očekivali smo, ako je reforma, da ona zadire dublje i žešće i bolnije, ja bih rekao, međutim čini mi se, imam utisak da je ona površna."

Jer i nakon reforme ostao bi im najveći problem - finansijski slaba i ekonomski nestabilna općina. Regionalizacija, udruživanje - čini se da je ipak u tome rješenje. Naš prijedlog je podržan.

Asim Mekić, načelnik Općine Busovača, ističe: "To je neminovnost, to, jednostavno, mora se desiti, jer ne možemo drugačije. Općina sa 2, 3, i 5 hiljada stanovnika je ekonomski neodrživa. Ne može. Znače, vi morate imati administraciju koja može opslužiti 20 hiljada ljudi, a i za 5 hiljada ona je ista, vi morate imati matičara, načelnika, predsjednika vijeća."

"Moramo smanjiti aparat svi, sa svih razina i u općinama, županijama, Federaciji, državi, smanjiti državni aparat da bude manji i učinkovitiji," rekao je Ivo Jerić, načelnik Općine Čitluk.

Jer učinkovitiji općinski aparat najbrže bi rezultirao osjetnim promjenama. 75 posto svih potreba zadovoljavamo na općinskom nivou. Ujedinjenje bi značilo jačenje - čak ni zakon ovoga puta nije smetnja.

"Takva mogućnost se može razriješiti i u okvirima postojećih zakona, treba stvoriti ambijent, želju," kaže Smajlović.

Ali kod nas kad nije zakon jest želja problem.

Semir Efendić, načelnik Općine Novi Grad Sarajevo tvrdi: "Vrlo teško ćete i postići u tom smislu da se skupštine neke dvije općine odluče na ujedinjenje, to nisu jednostavni procesi."

Jer mi za jednostavno odavno ne znamo. I tamo gdje smo saglasni, gdje nam se svima prihvatljivo rješenje samo nudi, gdje nam je interes zajednički, nama zafali makar volje. Kad treba rješavati probleme - svima gledamo u leđa, kad treba problematizirati rješenje - tu smo uvijek prvi.

SAVEZ NASTAVLJA SA REALIZACIJOM CILJEVA IZ STRATEGIJE OBUKE ZA JLS

Savez općina i gradova Federacije Bosne i Hercegovine je, na osnovu Strategije obuke za jedinice lokalne samouprave u Federaciji Bosne i Hercegovine 2011. – 2015. godine, koju je usvojila Vlada FBiH i nadležna tijela Saveza, krenuo sa organiziranjem niza seminara za općinske vijećnike.

Prvi ciklus je počeo u decembru/prosinu 2012. godine, kojom prilikom je održano šest seminara (Visoko, Vitez, Jajce, Olovo, Vareš i Bugojno), a za prvu polovinu ove godine je planirano da se održi oko četrdeset.

Tokom seminara, općinskim vijećnicima se pruža prilika da se upoznaju sa normativnim okvirom i nadležnostima lokalne samouprave, strukturom i mehanizmima funkcionisanja lokalne vlasti, posebno vodeći računa o odnosima između vijeća i načelnika općine kao najvažnijih aktera lokalne vlasti. Ovladat će osnovnim elementima upravljanja budžetom, tako da mogu da se kompetentno uključe u donošenje budžeta za sljedeću godinu, te će steći podsticajan uvid u izazove i prednosti lokalne demokratije, saradnje sa građanima i nevladinim organizacijama.

Ove godine, do sada, održana su 22 seminara, i to u sljedećim mjestima: Konjic, Donji Vakuf, Goražde, Ilidža, Pale-Prača, Maglaj, Bosansko Grahovo, Zavidovići, Kladanj, Gornji Vakuf-Uskoplje, Glamoč, Sapna, Travnik, Bosanski Petrovac, Drvar, Bihać, Velika Kladuša, Busovača, Tomislavgrad, Odžak, Domaljevac-Šamac i Orašje, a dogovoreni su seminari za Kupres, Prozor-Ramu, Cazin i Kiseljak.

U okviru seminara svim učesnicima će biti uručen priručnik „Lokalna uprava od A do Ž – Vodič za novoizabrane lokalne zvaničnike“ kao polazni materijal za obuku lokalnih zvaničnika – (grado) načelnika jedinica lokalnih samouprava, njihovih zamjenika, vijećnika u Bosni i Hercegovini – kako bi stekli solidan uvid u funkcionisanje lokalne samouprave, koji će im omogućiti ispunjavanje uloga i odgovornosti koje su im povjerili građani.

Seminari se održavaju uz pomoć OSCE-a i UNDP-a kroz projekat MTS (Sistem obuke za jedinice lokalne samouprave) koji finansira Švedska agencija za međunarodni razvoj i saradnju (Sida).



Sa seminara za Općinske vijećnike u Tomislavgradu

KORISNI LINKOVI ZA PREDPRISTUPNE
FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.chc.bih-mne.org
www.srb-bih.org
www.chc-cro-bih.net
www.programmemed.eu
www.tacso.org
www.euroinfocenter.ba
www.balkanfund.org
www.eurelmed.com
www.eacea.ec.europa.eu

Sa seminara za Općinske
vijećnike u OdžakuSa seminara za Općinske
vijećnike u Drvaru

Savez / Zajedno za uređenu i razvijenu lokalnu samoupravu

ODRŽANA PRVA JAVNA RASPRAVA O ZAKONU O FINANSIRANJU JLS

U multimedijalnoj sali Općine Gračanica, 5. juna/lipnja održana je javna rasprava o prijedlogu radnog materijala Zakona o finansiranju jedinica lokalne samouprave. Riječ je o prvoj od sedamnaest javnih rasprava koje će se u narednom periodu održati u općinama i gradovima širom BiH, a na kojima će biti predstavljena predložena zakonska rješenja koja imaju za cilj unapređenje rada i funkcioniranja jedinica lokalne samouprave u Bosni i Hercegovini. Javne rasprave su dio projektne komponente „Načelnici za razvoj lokalne samouprave“, koju u okviru projekta „Doprinos ustavnoj reformi BiH“, podržanog od strane Švicarske agencije za razvoj i saradnju, implementiraju Savez općina i gradova FBiH i Savez opština i gradova Republike Srpske.



Sa Javne rasprave u Gračanici

Na javnoj raspravi govorili su Nusret Helić, načelnik Općine Gračanica, Ivan Matešić, član ekspertne grupe i pomoćnik ministra pravde FBiH, Radinka Dujak, predsjednica Komisije za ekonomski razvoj općina i gradova i finansije pri Savezu općina i gradova FBiH (SOGFBiH), Dženita Kovačević, viši saradnik za finansije pri SOGFBiH i Amir Kupusija, voditelj projekta (SOGFBiH).

Načelnik Općine Gračanica je naglasio da je specifičnost ovakvog načina predlaganja zakona ta što dolazi obimnim redoslijedom – od nižih ka višim nivoima vlasti i što dolazi od ljudi iz prakse i na osnovu dugogodišnjeg iskustva. Prema njegovim riječima, cilj je neke sporne oblasti kvalitetnije regulisati i poduzeti sve da se predložena zakonska rješenja nakon provedenih javnih rasprava što prije nađu u parlamentarnoj proceduri.

Prisutni su imali priliku uputiti primjedbe, sugestije i prijedloge na ponuđeni radni materijal zakona, koje će biti razmotrene i uvrštene u konačnu verziju koja će biti upućena u dalju proceduru. Zadatak načelnika u narednom periodu je da se posvete zagovaranju predloženih zakonskih rješenja i politika pred entitetskim i državnim vlastima.

Zakon o finansiranju jedinica lokalne samouprave o kome se raspravljalo u Gračanici jedan je od 5 zakona i 2 politike koje se sprovode u sklopu projekta.

Sljedeća javna rasprava o Zakonu o finansiranju jedinica lokalne samouprave će se održati u Tomislavgradu 03.07.2013. godine.

U VITEZU I OLOVU ODRŽANI OKRUGLI STOLOVI NA TEMU: „ISKUSTVA I POTEŠKOĆE JLS U VEZI SA RASPODJELOM BUDŽETSKIH SREDSTAVA OCD“

Savez općina i gradova Federacije BiH, u saradnji sa Razvojnim programom ujedinjenih nacija (UNDP), od 01. januara/siječnja 2013. godine počeo je sa implementacijom projekta „Podrška jačanju lokalne samouprave FBiH u pružanju efektivnijih i efikasnijih usluga“. U okviru komponente LOD III ovog projekta, predviđena je aktivnost podrške horizontalnoj integraciji LOD metodologije kroz organizaciju okruglih stolova za jedinice lokalne samouprave. LOD metodologija je mehanizam za transparentno finansiranje projekata organizacija civilnog društva po standardima EU. U skladu s time, Savez je organizirao dva okrugla stola, i to u Vitezu 28.05.2013. godine i u Olovu 30.05.2013. godine.



Sa okruglog stola u Olovu

Okruglom stolu u Vitezu prisustvovali su predstavnici iz Grada Mostara, Općine Glamoč, Općine Vitez, Općine Konjic, Općine Bužim, Općine Busovača i Općine Novi Travnik, a u Olovu su prisustvovali predstavnici iz Općine Ilidža, Općine Tuzla, Općine Banovići, Općine Trnovo, Općine Kakanj, Općine Gradačac, Općine Novo Sarajevo, Općine Breza, Općine Olovo, Općine Hadžići, Općine Kalesija, Općine Visoko, Općine Ilijaš i Općine Doboju Jug. Cilj organiziranja okruglih stolova je bio da se prikupe informacije o iskustvima i poteškoćama jedinica lokalne samouprave u vezi sa raspodjelom budžetskih sredstava organizacijama civilnog društva. Prikupljene informacije će se koristiti za sljedeću aktivnost Saveza koja se odnosi na organiziranje tri regionalna sastanka za jedinice lokalne samouprave.





Sa okruglog stola u Olovu

Napominjemo da komponentu LOD III, koja je treći nastavak projekta "Jačanje lokalne demokratije" finansira Evropska unija iz sredstava Instrumenta za pretprijetnu pomoć (IPA) u iznosu od 2 miliona eura, a sprovodi Razvojni program Ujedinjenih nacija u Bosni i Hercegovini (UNDP BiH). Cilj projekta je doprinos demokratskoj stabilizaciji, pomirenju i daljnjem razvoju BiH kroz podršku odabranim JLS-ovima u uspostavljanju boljih odnosa između lokalnih vlasti i civilnog društva, te stvaranju finansijskih mehanizama za unaprijeđeno pružanje usluga.



Sa okruglog stola u Vitezu

POTPISAN MEMORANDUM O RAZUMJEVANJU IZMEĐU UNDP-a I PARTNERSKIH LOKALNIH UPRAVA U OKVIRU PODRŠKE LOKALNOJ VLADI I DEMOKRATIZACIJI U BIH

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelsmem.com
www.eacea.ec.europa.eu

SARAJEVO, 31. maj/svibanj

– U Sarajevu je, 31. maja/svibanja, u zgradi Delegacije Evropske unije, održana Svečana ceremonija potpisivanja Memoranduma o razumijevanju između četiri partnerske jedinice lokalne samouprave u BiH i UNDP-a BiH. Ceremoniji su prisustvovali gospodin Holger Schroeder, šef Operacija Delegacije Evropske unije u BiH, gospođa Zahira Virani, zamjenica rezidentnog predstavnika UNDP-a u BiH,



Sa ceremonije potpisivanja Memoranduma

Srdan Radulj, zamjenik ministra pravde BiH, te načelnici/predsjedavajući općinskih vijeća izabranih općina i gradova i to gospodin Suad Huskić, načelnik Općine Tešanj, gospođa Edina Gabela, predsjedavajuća Općinskog vijeća Općine Novi Grad Sarajevo, gospodin Slobodan Gavranović, gradonačelnik Banja Luke i gospodin Slaviša Mišković, načelnik Općine Višegrad. Ceremonija potpisivanja Memoranduma o razumijevanju organizovana je u okviru LOD III projekta koji finansira Evropska unija, čiji je cilj doprinos demokratskoj stabilizaciji, pomirenju i daljnjem razvoju BiH kroz podršku odabranim JLS-ovima u uspostavljanju boljih odnosa između lokalnih vlasti i civilnog društva, te stvaranju finansijskih mehanizama za unaprijeđeno pružanje usluga.

"Evropskoj uniji, ali i svima u Bosni i Hercegovini je važna efikasna lokalna samouprava, orijentirana prema svojim građanima. Jedan od najboljih primjera napora koje ulaže EU na ovom polju je LOD projekat – Jačanje lokalne demokratije - čiji je cilj uspostavljanje trajnog partnerstva između organizacija civilnog društva i lokalnih vlasti. Podrška EU saradnji između općina i civilnog društva već ulazi u svoju petu godinu, i ja sam sretan što mogu da najavim da EU namjerava da nastavi svoju podršku ovom projektu sa 2 miliona eura iz sredstava IPA fonda." izjavio je gospodin Schroeder.

Za ponovne partnere u sprovedbi aktivnosti LOD III projekta izabrane su sljedeće JLS: Novi Grad Sarajevo, Tešanj, Banja Luka i Višegrad. Partnerske JLS su izabrane za ponovno učešće u projektu Jačanje lokalne demokratije III (LOD III) zbog odličnih rezultata u prijašnjim fazama projekta, te zbog zalaganja za poboljšanje odnosa sa civilnim sektorom u BiH.

Velika je važnost i uloga lokalne uprave za građane BiH, i zbog toga je puno pitanja i problema koje je potrebno riješiti u toj oblasti. Civilno društvo je važan partner koji može pomoći u rješavanju ovih problema, te čak bolje sprovesti lokalne razvojne strategije ili pružiti bolje usluge. Radeći zajedno, ova dva sektora su usmjerena na poboljšanje životnog standarda svojih građana i pomoć onima kojima je potrebna, ponajviše socijalno isključenim grupama. Zbog toga su aktivnosti LOD III projekta usmjerene na jačanje međusobnih odnosa i saradnje kako bi organizacije civilnog društva što bolje pomogle građanima BiH", rekla je Zahira Virani.

Sa ceremonije potpisivanja
Memoranduma



Projekat finansira
Evropska unija



Ministarstvo pravde
Bosne i Hercegovine



Empowered lives.
Resilient nations.

U ovoj fazi sprovođenja LOD III projekta, započete su aktivnosti u 15 partnerskih gradova i općina na uspostavljanju i unaprijeđenju transparentnih mehanizama za finansiranje projekta organizacija civilnog društva. Paralelno, uz ove aktivnosti, projekat LOD III radi na izgradnji kapaciteta organizacija civilnog društva, kroz dodjelu sredstava za projekte koji će doprinijeti boljem životu u lokalnim zajednicama. Kroz ovakve aktivnosti,

LOD projekat nastoji izgraditi i ojačati demokratske procese u Bosni i Hercegovini, te uspostaviti bolju saradnju vladinog i nevladinog sektora.

LOD III projekat finansira Evropska unija (EU) iz sredstava Instrumenta za pretprijetupnu pomoć (IPA) u iznosu od 2 miliona eura, a partner projekta je Ministarstvo pravde BiH.

SAUDIJSKI FOND ZA RAZVOJ SPREMAN DATI NAJPOVOLJNIJI KREDIT ZA INFRASTRUKTURNE PROJEKTE OPĆINE GORAŽDE



GORAŽDE, 05. juni/lipanj – Nakon Odluke Općinskog vijeća Općine Goražde o kreditnom zaduženju za implementaciju prioriteta infrastrukturnih projekata, načelnik Općine Goražde mr. Muhamed Ramović nastavio je intenzivne aktivnosti traženja najpovoljnijih kreditnih sredstava za realizaciju pomenute Odluke, navodi se na web stranici Općine Goražde.

Budući da je Općina Goražde od Saudijskog fonda za razvoj zatražila odobranje kredita za podršku u finansiranju infrastrukturnih projekata u našoj Općini, tim

povodom, u Ministarstvu finansija i trezora Bosne i Hercegovine organizovan je sastanak između predstavnika Saudijskog fonda za razvoj, i načelnika Općine Goražde mr. Muhameda Ramovića sa saradnicima. Namjera ovoga Fonda je pružiti podršku i pomoć zemljama u razvoju prilikom razvoja njihovih privreda, te osiguravanje kredita tim zemljama, neophodnih za provedbu njihovih razvojnih projekata i programa. Nakon prezentacije načelnika Općine Goražde, predstavnici Fonda izjavili su kako su uvjereni u važnost projekata i njihove povoljne učinke na ekonomski razvoj prijateljskog naroda Bosne i Hercegovine, te izrazili spremnost finansiranja istih.

Razdoblje trajanja pomenutog kredita je dvadeset i pet godina, uključujući petogodišnji grace period. Načelnik mr. Ramović istakao je kako će se, u skladu sa pravilima Saudijskog fonda za razvoj, projekti implementirati uz dužnu pažnju i učinkovitost, te u skladu s prikladnim administrativnim, finansijskim i inženjerskim praksama. Ovim kreditom bi se nastavio kontinuitet vrlo uspješne saradnje između Saudijskog fonda za razvoj i Bosne i Hercegovine.

Nakon sastanka, načelnik Općine Goražde se zahvalio predstavnicima Ministarstva za finansije i trezor BiH koji su bili domaćini, te organizovali sastanak koji je rezultirao konkretnim dogovorima i izvanrednim mogućnostima za našu Općinu.

Ono što također treba istaći jeste činjenica da je naša Općina jedna od samo nekoliko Općina u Bosni i Hercegovini koja je uopće dobila mogućnost da predstavi svoje projekte i na taj način zatraži asistenciju ovoga Fonda.

„Moramo istaći činjenicu da je Ministarstvo finansija i trezora Bosne i Hercegovine uradilo zaista fantastičan posao organizovanjem sastanka i komunikacijom sa predstavnicima Saudijskog fonda za razvoj. Imamo mnogo mogućnosti i priliku da završimo sve najprioritetnije infrastrukturne projekte poput sanacije i zamjene sekundarne vodovodne mreže, asfaltiranja gradskih, prigradskih i ruralnih puteva, te izgradnje mosta u Vitkovićima. U narednom periodu učinimo sve da završimo proceduralne i tehničke poslove koji su neophodni da bismo pristupili sredstvima i što prije krenemo u realizaciju projekata.“- dodao je na kraju sastanka načelnik Općine Goražde mr. Muhamed Ramović.



Grb Općine Goražde

*Razdoblje trajanja
pomenutog kredita je
dvadeset i pet godina,
uključujući petogodišnji
grace period.*



Goražde



Sa ceremonije potpisivanja
ugovora

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipabc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelsmid.com
www.eacea.ec.europa.eu

ZA PREČIŠĆAVANJE OTPADNIH VODA VIŠE OD 20 MIL. KM

Predstavnici općina Čitluk, Gračanica, Konjic i Prozor-Rama, 5. juna/lipnja su u Sarajevu potpisali ugovore s Europskom investicijskom bankom (EIB) o realizaciji projekta "Watsan" na teritoriji svojih općina.

Namjera projekta je poboljšanje vodosnabdijevanja, odvođenje i pročišćavanje otpadnih voda, i predstavlja jedan od najvećih investicijskih projekata koje realizira Federalno ministarstvo poljoprivrede, vodoprivrede i šumarstva u saradnji s međunarodnim institucijama i općinama u FBiH.

Savjetnica ministra poljoprivrede, vodoprivrede i šumarstva FBiH, Ana Bašić izrazila je zadovoljstvo zbog potpisivanja ovih ugovora, ističući da je već potpisano šest ugovora, te da je s ove četiri ukupno 10 općina ušlo u realizaciju projekta "Watsan". „Očekujemo da još 10 općina potpiše ove ugovore u sklopu realizacije cjelokupnog programa. Trenutno je 30% općina u FBiH uključeno u projekt, što znači 121 mil EUR za rješavanje problema vodosnabdijevanja, kanalizacije i pročišćavanja i vrlo smo zadovoljni što imamo priliku sudjelovati u takvom programu“, rekla je Bašić. Rukovoditelj odjela EIB-a za Sloveniju, Hrvatsku i zapadni Balkan Dominique Courbin naglasio je da je kreditni aranžman koji je potpisan 2008. godine osigurao Federaciji BiH sredstva za investiranje u vodosnabdijevanje i pročišćavanje otpadnih voda u brojnim općinama.

Dodao je da su ovim aranžmanom, a zajedno s vlastima Federacije BiH i države Bosne i Hercegovine, uspjeli privući i grant sredstva koja su osigurali Europska komisija i Kraljevina Švedska, a ova kreditna i grant sredstva biće dostupna općinama da bi poduzele planirane investicije.

Prema potpisanim ugovorima općina Čitluk dobija 1.2 mil KM, Konjic 7.5 mil KM, Gračanica 4.4 mil KM i Prozor-Rama 8.5 mil KM.

OPĆINE HADŽIĆI I NOVA VAROŠ ULAZE U PROJEKAT VRIJEDAN 250.000 EURA

Delegacija Općine Nova Varoš (Srbija) predvođena predsjednikom Općine Dimitrijem Paunovićem boravila je jučer u radnoj posjeti općini Hadžići, navodi se na općinskoj web stranici. Razlog posjete je bio uspostavljanje međuregionalne saradnje Hadžića i Nove Varoši na konkretnom projektu proizvodnje i prerade heljde koji bi Evropska unija finansirala sa 250.000 eura. Novovarošani su u pratnji prof. dr. Nezira Tanovića obišli centar bh. proizvodnje i prerade heljde, Organsku firmu Heljda eko Raštelica. Konkretni zaključci su potom finalizirani na sastanku koji je vodio Općinski načelnik Hamdo Ejubović.



„Projekat međuregionalne saradnje bi pokrenuo proizvodnju i preradu heljde. To bi dovelo do lančane reakcije izgradnje dodatne infrastrukture sve do turističke ponude. U projekat bi se uključio veliki broj ljudi sa teritorije općine Hadžići, prvenstveno ljudi sa sela. Kao struka smo voljni sarađivati sa Općinom Nova Varoš i to rukovodstvu Općine Hadžići najtoplije preporučujemo. Ne treba zaboraviti da su Hadžići između ostalog poznati i po heljdi i ovu šansu treba iskoristiti“, rekao je prof.dr. Nezir Tanović.

„Lider proizvodnje heljde u BiH su Hadžići i Raštelica. Ovdje je prvo pokrenuta proizvodnja i prerada ovog izuzetno traženog proizvoda širom Evrope. Po ovom pitanju Hadžići su postali brend i sama ta činjenica daje ogromne mogućnosti. U ovoj godini je potražnja za heljdom tolika da naša proizvodnja to ne može zadovoljiti. Ukoliko realizujemo ovaj projekat, proizvodnju bi utrostručili“, kazao je Senad Čolić, IPA project manager.

„Moja prva razmišljanja su da potencijali ove dvije općine po pitanju proizvodnje i prerade heljde daleko prevazilaze ova inicijalna sredstva Evropske unije od 250.000 eura. Razmišljam o višemilionskim iznosima. Senad je već kazao da je potražnja daleko veća od onoga što mi trenutno proizvodimo, a treba imati na umu da mi heljdu kao gotov proizvod uglavnom izvozimo na strana tržišta. Trenutno Heljda eko Raštelica ima 10 uposlenih i samo ovim projektom bi povećali broj uposlenih za 20 novih radnih mjesta“, istakao je Samir Mehonić, direktor Organske farme Heljda eko Raštelica.

Načelnik Općine Hadžići, Hamdo Ejubović, je dao punu podršku projektu istaknuvši da obje lokalne zajednice trebaju imati podjednaku korist od projekta.



Grb Općine Hadžići



Grb Općine Nova Varoš

DIREKTOR TIKE POSJETIO OPĆINU BOSANSKI PETROVAC



Direktor Turske agencije za međunarodnu saradnju i razvoj (TIKA) u BiH dr. Zülküf Oruç (Zulkuf Oruç), boravio je u posjeti općini Bosanski Petrovac. Razlog posjete predstavnika TIKE je Projekat Čilimara koja se otvara u Bosanskom Petrovcu a biće finansirana njihovim bespovratnim sredstvima.

Na sastanku sa načelnikom općine Bosanski Petrovac Zlatkom Hujčićem, razgovaralo se o projektu i načinu njegove implementacije. Općina Bosanski Petrovac je obezbjedila prostor za postavljanje 50 stanova kojima će se izrađivati čilimi. Donacija, inače, iznosi 63.000,00 KM.

Na prezentaciju u Bosanskom Petrovcu su pozvana i dva dobavljača koji su se javili na konkurs za izradu stanova, te je s njima obavljen i intervju nakon kojeg će se odlučiti ko će biti izvođač radova.

Direktor TIKE Oruç, istakao je da se na kulturnom, socijalnom i ekonomskom nivou ovaj Projekat slaže sa kriterijima TIKE, te dodao: „Za nas je bitno da se Projekat sprovede u djelo jer će imati veliku korist za građane Bosanskog Petrovca i nama je čast što smo dio ovakvog Projekta, te da ćemo pomoći nastavku dugogodišnje tradicije“.

Nakon razgovora sa načelnikom općine predstavnici TIKE su obišli prostor gdje će se projekat realizovati te tamo razgovarali sa prisutnima, koji su došli na prezentaciju stanova dobavljača.



NAJAVA ODRŽAVANJA JAVNIH RASPRAVA O NOVOIZRAĐENIM ZAKONSKIM RJEŠENJIMA BITNIM ZA FUNKCIONISANJE LOKALNE SAMOUPRAVE

04. juna/lipnja 2013. godine u zgradi Općine Novo Sarajevo održana je konferencija za štampu povodom prezentacije projekta "Načelnici za razvoj lokalne samouprave", na kojoj je, između ostalog, najavljeno održavanje javnih rasprava o prijedlozima zakona za unapređenje lokalne samouprave u BiH.

Projekat „Načelnici za razvoj lokalne samouprave“ pokrenuli su Savez općina i gradova Federacije BiH i Savez opština i gradova Republike Srpske sa ciljem poboljšanja funkcionisanja jedinica lokalne samouprave, zastupanje njihovih interesa i pružanja kvalitetnijih usluga građanima BiH. Navedeni komponenta implementira se u okviru projekta „Doprinos Ustavnoj reformi u BiH“ koji je podržan od strane Švicarske agencije za razvoj i saradnju (SDC) i Švicarske ambasade u BiH.

Na inicijativu Saveza općina i gradova FBiH i Saveza opština i gradova RS, šest načelnika/gradonačelnika sa dugogodišnjim iskustvom uzeli su aktivno učešće u projektu kroz kreiranje prijedloga pet prioriteta zakona i dvije politike usmjere na poboljšanje položaja jedinica lokalne samouprave i unapređenje njihovog funkcionisanja. U narednom periodu, ogradonačelnici/načelnici Nedžad Koldžo, načelnik Općine Novo Sarajevo; Mićo Mićić, gradonačelnik Grada Bijeljine; Ivo Jerkić, načelnik Općine Čitluk; Mladen Krekić, načelnik Opštine Modriča; Savo Minić, načelnik Općine Šamac i Nusret Helić, načelnik Općine Gračanica bit će promotori zakona i zajedničkih stavova članica saveza pred višim nivoima vlasti.

Pored pet načelnika promotora, na konferenciji prisustvovali su i Njegova Ekselencija André Schaller, ambasador Švicarske u Bosni i Hercegovini koji se na samom početku konferencije i obratio prisutnima.

Komponentu projekta "Načelnici za razvoj lokalne samouprave" predstavnicima medija i gostima predstavila je Vesna Travljanin, direktorica Saveza općina i gradova FBiH, nakon čega su riječ uzeli i načelnici govoreći o pet prioriteta zakona usmjerenih na poboljšanje položaja jedinica lokalne samouprave.

Tom prilikom, Zakon o zaštiti i spašavanju kratko je obrazložio domaćin konferencije, načelnik Općine Novo Sarajevo Nedžad Koldžo, ističući kako se postojeći Zakon za vrijeme prirodnih nesreća pokazao neefikasnim, a radi se o sistemu čiji je cilj da čuva i spašava ljudske živote i njihovu imovinu. Navedeni zakon treba da bude primjenljiv u praksi i koncipiran na evropskim standardima.

Miće Mićić, gradonačelnik Grada Bijeljine, prisutne je potom upoznao sa Zakonom o finansiranju jedinica lokalne samouprave RS, dok je načelnik Općine Gračanica Nusret Helić govorio o Zakonu o finansiranju jedinica lokalne samouprave FBiH.

Projekat „Načelnici za razvoj lokalne samouprave“ pokrenuli su Savez općina i gradova Federacije BiH i Savez opština i gradova Republike Srpske sa ciljem poboljšanja funkcionisanja jedinica lokalne samouprave, zastupanje njihovih interesa i pružanja kvalitetnijih usluga građanima BiH.



Press konferencija

**KORISNI LINKOVI ZA PREDPRISTUPNE
FONDOVE EU:**

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Zakon o međupćinskoj saradnji, na današnjoj konferenciji predstavio je Mladen Krekić, načelnik Općine Modriča, nakon čega je Savo Minić, načelnik Općine Šamac ukratko govorio o Zakonu o zaposlenima u jedinicama lokalne samouprave.

Pored predstavljanja pet prioritarnih zakona predstavljene su i dvije politike, politika lokalnog ekonomskog razvoja i politika Fiskalne decentralizacije, o kojima je govorio Predrag Pajić projektni menadžer Saveza opština i gradova RS.

Pred kraj konferencije predstavljen je i raspored održavanja Javnih rasprava za juni i juli 2013. godine.

RASPORED ODRŽAVANJA JAVNIH RASPRAVA (SOGFBiH):

05.06.2013. godine – Gračanica, sala Općine (Mula Mustafe Bašeskije br. 1), 12:00 - 14:00 sati

Radni materijal: **Zakon o finansiranju jedinica lokalne samouprave**

Domaćin i lider: g-din Nusret Helić, načelnik

Učesnici panela:

g-din Nusret Helić, načelnik Općine Gračanica;

Članovi ekspertnog tima: g-din Muhamed Mujakić i g-din Ivan Matešić

Član komisije za ekonomski razvoj općina i gradova i finansije, SOGFBiH;

g-đa Vesna Travljanin, direktorica SOGFBiH;

Moderator: g-đa Dženita Kovačević

12.06.2013. godine – Novo Sarajevo, sala Općine (Zmaja od Bosne 55), 12:00 – 14:00 sati

Radni materijal: **Zakon o zaštiti i spašavanju u FBiH**

Domaćin i lider: g-din Nedžad Koldžo, načelnik

Učesnici panela:

g-din Nedžad Koldžo, načelnik Općine Novo Sarajevo;

Član ekspertnog tima: g-din Predrag Šupljeglav

Član komisije za imovinska pitanja, prostorno uređenje, stambeno-komunalne djelatnosti i zaštitu životnog okoliša, SOGFBiH;

g-đa Vesna Travljanin, direktorica SOGFBiH

19. 06.2013. godine – Čitluk, sala Općine (Kralja Tomislava 87), 12:00 – 14:00

Radni materijal: **Zakon o zaštiti i spašavanju u FBiH**

Domaćin: g-din Ivo Jerkić, načelnik Općine Čitluk

Lider: g-din Nedžad Koldžo, načelnik Općine Novo Sarajevo

Učesnici panela:

g-din Nedžad Koldžo, načelnik Općine Novo Sarajevo;

Član ekspertnog tima: g-din Predrag Šupljeglav

Član komisije za imovinska pitanja, prostorno uređenje, stambeno-komunalne djelatnosti i zaštitu životnog okoliša, SOGFBiH;

g-đa Vesna Travljanin, direktorica SOGFBiH





02.07.2013. godine - Bosanska Krupa, Dom kulture (Trg Avde Ćuka bb), 12:00 – 14:00 sati

Radni materijal: **Zakon o zaštiti i spašavanju u FBiH**

Domaćin: g-din Armin Halitović, načelnik Općina Bopsanska Krupa

Lider: g-din Nedžad Koldžo, načelnik Općine Novo Sarajevo

Učesnici panela su:

g-din Nedžad Koldžo, načelnik Općine Novo Sarajevo;

Član ekspertnog tima: g-din Predrag Šupljeglav;

Član komisije za imovinska pitanja, prostorno uređenje, stambeno-komunalne djelatnosti i zaštitu životnog okoliša, SOGFBiH;

g-đa Vesna Travljanin, direktorica SOGFBiH

03. 07.2013. godine – Tomislavgrad, Županijska sala (Zvonimirova BB), 12:00 – 14:00 sati

Radni materijal: **Zakon o finansiranju jedinica lokalne samouprave**

Domaćin: g-din Ivan Vukadin, načelnik Općine Tomislavgrad

Lider: g-din Nusret Helić, načelnik Općine Gračanica

Učesnici panela:

g-din Nusret Helić, načelnik Općine Gračanica;

Članovi ekspertnog tima: g-din Muhamed Mujakić i g-din Ivan Matešić;

Član komisije za ekonomski razvoj općina i gradova i finansije, SOGFBiH;

g-đa Vesna Travljanin, direktorica SOGFBiH;

Moderator: g-đa Dženita Kovačević

10.07. 2013. godine - Novo Sarajevo, 12:00 – 14:00

Radni materijal: **Zakon o finansiranju jedinica lokalne samouprave**

Domaćin: g-din Nedžad Koldžo, načelnik Općine Novo Sarajevo

Lider: g-din Nusret Helić, načelnik Općine Gračanica

Učesnici panela:

g-din Nusret Helić, načelnik općine Gračanica;

Članovi ekspertnog tima: g-din Muhamed Mujakić i g-din Ivan Matešić;

Član komisije za ekonomski razvoj općina i gradova i finansije, SOGFBiH;

g-đa Vesna Travljanin, direktorica SOGFBiH;

Moderator: g-đa Dženita Kovačević

12.07.2013. godine - Čitluk, sala Općine (Kralja Tomislava 87), 11:00 – 13:00

Radni materijal: **Zakon o međuopćinskoj saradnji**

Domaćin i lider: g-din Ivo Jerkić, načelnik Općine Čitluk

Učesnici panela su:

g-din Ivo Jerkić, načelnik Općine Čitluk;

Član ekspertnog tima: g-din Slaviša Šućur;


Član komisije za razvoj i unapređenje lokalne samouprave, SOGFBiH;

g-đa Vesna Travljanin, direktorica SOGFBiH;

Moderator: g-din Amir Kupusija

Plakat najave Javnih rasprava o Zakonu o finansiranju JLS

Plakat najave Javnih rasprava o Zakonu o zaštiti i spašavanju u FBiH



Plakat najave Javnih rasprava o Zakonu o međupćinskoj saradnji

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.chc.bih-mne.org
www.srb-bih.org
www.chc-cro-bih.net
www.programmed.eu
www.facso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Cilj projekta "Alterenergy" je promocija energetske održivosti s naglaskom na male zajednice Jadrana, kroz integrirano i održivo upravljanje energetske resursima i proizvodnju energije iz obnovljivih izvora

15.07.2013. godine – Gračanica, sala Općine (Mula Mustafe Bašeskije br. 1), 11:00-13:00

Radni materijal: **Zakon o međupćinskoj saradnji**

Domaćin: g-din Nusret Helić, načelnik

Lider: g-din Ivo Jerkić, načelnik

Učesnici panela su:

g-din Ivo Jerkić, načelnik Općine Čitluk;
 Član ekspertnog tima: g-din Slaviša Šućur;
 Član komisije za razvoj i unapređenje lokalne samouprave, SOGFBiH;
 g-đa Vesna Travljanin, direktorica SOGFBiH;
 Moderator: g-din Amir Kupusija

17.07.2013.godine – Bugojno, sala Općine (307 Motorizovane brigade 92), 11:00 – 13:00

Radni materijal: **Zakon o međupćinskoj saradnji**

Domaćin: g-din Hasan Ajkunić, načelnik Općine Bugojno

Lider: g-din Ivo Jerkić, načelnik

Učesnici panela su:

g-din Ivo Jerkić, načelnik Općine Čitluk;
 Član ekspertnog tima: g-din Slaviša Šućur;
 Član komisije za razvoj i unapređenje lokalne samouprave, SOGFBiH;
 g-đa Vesna Travljanin, direktorica SOGFBiH;
 Moderator: g-din Amir Kupusija

MINISTARSTVO SPOLJNE TRGOVINE BIH POZIVA OPĆINE I GRADOVE NA UČEŠĆE U PROJEKTU ODRŽIVOG UPRAVLJANJA ENERGIJOM



alterenergy
 Energy Sustainability
 for Adriatic Small Communities
www.alter-energy.eu

Ministarstvo spoljne trgovine i ekonomskih odnosa BiH objavilo je Javni poziv za izražavanje interesa gradova ili općina u Bosni i Hercegovini koje su spremne na svojoj teritoriji održati aktivnosti ispitivanja modela održivog upravljanja i korištenja energetske resursa predviđenih projektom "Alterenergy" finansiranog od strane programa IPA ADRIATIC CBC 2007-2013.

Cilj projekta "Alterenergy" je promocija energetske održivosti s naglaskom na male

zajednice Jadrana, kroz integrirano i održivo upravljanje energetske resursima i proizvodnju energije iz obnovljivih izvora, saopšteno je na sajtu Ministarstva.

Javnim pozivom se želi izabrati zajednica (općina ili grad), po jedna iz oba entiteta, u kojima će se implementirati aktivnosti predviđene projektom "Alterenergy" i koje će služiti kao primjer dobre prakse drugim zajednicama, te koje će biti predmet studija energetske procjene, u kojima će se izraditi integrirani planovi energetske efikasnosti, definisati finansijski planovi za investiranje u projekte obnovljivih izvora, održati nekoliko radionica za lokalne privrednike, provesti cjelokupna promocija projekta i zajednica i u kojima će se implementirati pilot projekti odnosno demonstracione aktivnosti koje će zajednici za vrijeme, ali i nakon trajanja projekta, donositi koristi u vidu uštede energije ili proizvodnje energije.

Rok za podnošenje prijave na Javni poziv je 30. juni/lipanj 2013. godine. Za više informacija pogledajte web stranicu Ministarstva:

http://www.mvteo.gov.ba/vijesti/posljednje_vijesti/?id=5573

Savez općina i gradova Federacije Bosne i Hercegovine

Musala 5/1
71 000 Sarajevo

Phone: ++387 33 216 502, 209 024, 209 120

Fax: ++387 33 552 810, 552 811

E-mail: dino@sogfbih.ba

Nadite nas na facebook-u



POSJETITE NAS NA WEB-U

WWW.SOGFBIH.BA

NEXPO 2013 – MEĐUNARODNI SAJAM OPĆINA

Mreža asocijacija lokalnih vlasti jugoistočne Europe (NALAS), Udruga gradova u Republici Hrvatskoj, Udruga općina u Republici Hrvatskoj i gradovi Rijeka i Opatija, organiziraju ovogodišnji međunarodni sajam općina - NEXPO 2013, koji će se održati u gradovima Rijeka i Opatija, Republika Hrvatska, od 25. do 27. septembra/rujna 2013. godine.

NEXPO je najveći i najvažniji općinski događaj u jugoistočnoj Europi. Okuplja zajedno jedinice lokalne samouprave, asocijacije lokalnih vlasti, razvojne agencije, civilno društvo i poslovne ljude iz jugoistočne Europe i šire. NEXPO promiče ulogu lokalne samouprave i proces decentralizacije, osigurava regionalno povezivanje, promovira decentraliziranu saradnju, regionalno poslovno povezivanje i izgradnju mira i stabilnosti.

NEXPO je prvi put organiziran u martu/ožujku 2011. godine u Sarajevu. Tom prilikom se okupilo 200 načelnika/gradonačelnika, više od 100 izlagača, oko 2.000 posjetitelja, te realizirano 9 konferencija i radionica.

Glavna tema ovogodišnjeg događaja NEXPO 2013 je EU integracija. Sajam će također pružiti mogućnosti za lokalne vlasti da se sastanu sa predstavnicima poslovnog sektora i privuku potencijalne investitore za svoje projekte u području energetske učinkovitosti i obnovljivih izvora energije.

NEXPO 2013 će se održati u Centru Zamet u Rijeci, koji pruža 4.000 m² izložbenog prostora, a očekuje se da će privući više od 4.000 učenika.

Program NEXPO 2013 uključuje:

- **Konferenciju** "Na putu u EU integracije-uklanjanje prepreka, Otvorimo naše potencijale" (25. septembar/rujan 2013, Hrvatski kulturni dom na Sušaku, po pozivu)
- **NEXPO sajam** (26. i 27. septembar/rujan 2013, Centar Zamet)
- **Seriju radionica** (26. i 27. septembar/rujan 2013, Centar Zamet), podjeljenih u dvije glavne teme: Poboljšanje prakse u održivom razvoju i poboljšanje prakse u upravljanju i partnerskom radu
- **Café gradonačelnika** (26. i 27. septembar/rujan 2013, Centar Zamet) je savršeno mjesto za licem u lice razgovor između gradonačelnika o saradnji, investicija, donacija ili bratimljenju
- **Spajanje** (26. i 27. septembar/rujan 2013, Centar Zamet) omogućit će općinama i privatnom sektoru susrete, predstavljanje i pronalaženje prilike za saradnju
- **Kulturni program**

Da bi postali dio NEXPO 2013, rezervirajte svoj štand i iskoristite priliku za susret s ljudima, razmjenu iskustava, učenje novih stvari, uspoređivanje s drugima, promoviranje svog posla i pronalazak potencijalnih partnera i investitora.

Cijena zakupa standardnog štand paketa za općine iznosi 900 eura, što uključuje: štand prostor 9 m², 2-3 zidne ploče, tepih, magacin prostor, 4 stolice, info desk, jedan stol, dva reflektora, 220V utikač, tabla u boji s imenom i logotipom izlagača. Dodatna oprema za štand je dostupna na zahtjev.

Za više informacija, molimo provjerite: <http://nexpo.nalas.eu/>

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.



Centar Zamet, Rijeka